



Synfocity = 528

mail us at : mzsynfo@gmail.com; mizoramsynod@gmail.com - Phone - 2314648

19th March, 2015

❑ **Obituary : Reuben F. Zothanpuia (49)**

Synod Office-a kan rawngbawlpui, Pu Reuben F. Zothanpuia, Model Veng chu March 16, 2015 (Thawhtanni) 12:50 p.m. khan pneumonia avangin Synod Hospital, Durtlang-ah a thi.

Pu Reuben F. Zothanpuia hi Upa F. Zanawla leh Bawlkungi te fa 7 zinga 3-na niin June 28, 1966 khan Khawbung khuaah a lo piang a. June 14, 1990-ah Pi Zohmangaihi Rawite D/o Upa Zoramthanga Rawite, Jubilee, Mission Vengthlang nen Khawbung Biak Inah an innei a, fa 5 leh tu 2 an nei.

July 1, 1994-ah Synod Electronic Communications Dept.-ah Technician-in a lut a. Synod Information & Publicity leh Property-ah te awm lehin tunah hian Receptionist hna a thawk mek a ni.

Kum 2013 velah a Nerve sawisel tanin Guwahati-ah vawi 2 an kal a, Synod Hospital, Durtlangah vawi 5 lai admit a ni bawk. Damdawi ina awm hi a thatpui hle thin a, a damdawi in chhuah hian Office lam hna a zawm thei nghal deuh zel thin. Kumin 2015 kumtir atangin insawisel leh tanin a awm (chest) na a ti hle a. Damdawi nena tang chhovin a inenawl reng a, hengte avang hian Office lam pawh a kal peih meuh lova, hotuten hrethiamin hun engemaw chen chu chawlh an pe nghe nghe a ni.

Kar hmasa Inrinni (March 14, 2015) chhun lamah pawh a la pangngai viau a, amaherawhchu zan lamah a lo nuam lo zual deuh a, March 15, 2015 (Pathianni)-ah Civil Hospital-ah in check up-in a chuap a lo chhe hle tawh tih hmuh chhuah a ni a, a thawte a hah bawk avangin oxygen pek a ni bawk. Tichuan tlai lamah Synod Hospital, Durtlangah chhovin ICU-ah dah nghal a ni a, a khawsik a sangin a kaih reng a, ventilator hmanga thawktir niin March 16, 2015 (Thawhtanni) 12:50 p.m. khan Lalpa hnenah min lo chawlhnan ta a ni. Pu Reuben F. Zothanpuia ruang hi tlaivarpuia a ni a, a tuk (March 17, 2015) chhun dar 12:00 khan vui a ni.

❑ **Synod Revival Speakers Residential Retreat**

Synod Revival Department chuan nizan (March 18, 2015) atang khan Synod Revival Speaker-te pualin Synod Conference Centre-ah Retreat a buatsaih a, retreat hian march 20, 2015 (Zirtawpni) thlang a awm ang.

Nizan (March 18, 2015) khan Retreat Hawwna Inkhawm neih a ni a, Rev. Lazuithanga, Senior Executive Secretary-in inkhawm a kaihruai a, Synod Moderator Rev. Lalrinmawian Keynote Address a pe. Tun tum retreat-ah hian Synod Revival Speaker 64 an tel a, retreat hawwna inkhawmah hian Synod Revival Committee member 11 ten an telpui bawk.

Retreat neih chung hian mithiamte paper buatsaih hmangin thupui hrang hrang zirho a ni ang a, sawihona hun leh zawhna leh chhanna hun pawh neih thin a ni ang. Thupui hrang hrang zir dan tur hetiang a ni :

Thupui

- ◆ Kohhran ropuina leh a pawimawhna
- ◆ Mizoram Presbyterian Kohhran kalphung
- ◆ Synod Revival Rawngbawlna
- ◆ Rawngbawltu leh Materialism

Sawitu

- Rev. R. Lalengzauva
- Upa C. Lalmuankima
- Rev. R. Lalnuntluanga
- Rev. Lazuithanga, Senior Executive Secretary

❑ **Consultation on Confessions of Faith of PCI**

March 19 & 20, 2015 hian Presbyterian Church of India (PCI) General Assembly bultumin Tourist Resort Centre, Berawtlangah Thurin chungchanga inrawnkhawmna, Consultation on Confessions of Faith of PCI neih mek a ni a, Synod hrang hrang atangin palai 40 vel an tel a ni.

Vawiin (March 19, 2015) khan Programme hawwna inkhawm neih a ni a, Rev. G.S. Lyttan, PCI Administrative Secretary-in a kaihruai a, Rev. Lazuithanga, Senior Executive Secretary, Mizoram Synod-in Inlawmna thu sawiin Keynote Address a pe bawk.

Vawiin (March 19, 2015) nilengin paper zirho a ni a, chawhma lamah Rev. D.S. Sohklet, Sr. Executive Secretary, KJP Synod Sepngi paper buatsaih 'Article No. 1,2,3 & 4' zirho a ni a, chawhnu lamah Rev. Dr. J.F. Jyrwa paper buatsaih 'Article No. 5,6 & 7' zirho leh a ni. Zanah Pathian biak inkhawm a awm ang a, Rev. G.S. Lyttan, PCI Administrative Secretary-in inkhawm a kaihruai ang a, Rev. Dr. J.F. Jyrwa hnen atangin Pathian thuchah ngaihthlak a ni ang.

Naktuk (March 20, 2015) chawhma hian Rev. R. Lalthanmawia paper buatsaih 'Article No. 8,9 & 10' zirho a ni ang a, chawhnu lamah an thupui zir atanga rawtna leh khaikhawmna hun hman a ni ang a, tlai dar 3:15-ah programme kharna inkhawm neih a ni ang.

❑ **Zin**

- ◆ March 25 - 30, 2015 chung hian Lairam Isua Krista Baptist Kohhran (LIKBK) Inkhawmpui, Lawngtlai-a tel turin Rev. Lalramliana Pachuau, Executive Secretary leh Upa R. Manliana, ITI Veng te an kal ang.
- ◆ March 24, 2015 (Thawhlehi) nilengin Centenary Kohhran Hmeichhiaten Leadership Training an nei dawn a, hemi neihpui tur hian Dr. Robert S. Halliday, Superintendent, Synod Office a kal ang.
- ◆ March 25, 2015 (Nilaini) hian Barak Area Committee, Silchar-ah neih a ni dawn a, heta tel tur hian Rev. Lalrinmawia (Synod Moderator), Rev. Lazuithanga (Senior Executive Secretary), Rev. B. Sangthanga (Synod Secretary), Rev. C. Vanlalhuaia, Rev. C. Lalsangliana, Rev. Lalchhuanmawia (SMB Secretary) leh Upa Lalfakzuala te an kal ang.

❑ **Synod Bookroom**

March 17, 2015 (Thawhlehi) khan Tuichangral tlangdung, Tuipuiral tlangdung leh Sialkal tlangdung khaw 30 chuang tuam tur Synod Bookroom Mobile Bookshop neih a ni a, Khuangthing, Chawngtlai leh Khawkawnah te tan a ni a, March 21, 2015 (Inrinni) thlang a awm ang. Mobile Bookshop-a bungraw sale te hi Aizawl Bookroom rate aia tlawma sale a ni

Tun tuma Mobile Bookshop atan hian truck 3 hire a ni a, zing leh tlai tin khaw hran zelah Special Sale hi neih a ni ang. Tuipuiral tlangdungah hian T.Upa Lalzarmawia, Sales Promoter leh Tv. Lalnuntluanga ten mobiel bookshop hi an buaipui a, Tuichangral tlangdungah T.Upa Lalringliana leh Tv. Zarzokima, Sialkal tlangdungah Pu V.L. Zothanmawia leh Pu Joseph Lalrammuana te an kal a ni.

☐ **Kristian Thalai Pawl**

- ♦ March 14 - 15, 2015 khan Kawnpui Venglai Branch Diamond Jubilee hman turin Tv.R. Lalramnghaka (Fin. Secy) leh Pu Vanlalpeka (Com. member) te an kal.
- ♦ **YRC Hnatlang** : March 7 & 14, 2015 khan Youth Recreation Centre hmun Falkland-a Gilead Special School thiah leh bungraw thiar hnatlang koh a ni a. Gilead Special School hi Bawngkawn Brigade-a an sikul hmun tharah sawn fel a ni ta. Hnatlang kal dan chu hetiang a ni :-

March 7, 2015 (Inrinni)

1. Ramhlun	-	53
2. Venghnuai	-	37
3. Luangmual	-	58
4. Zemabawk North	-	9
5. Tuikual	-	35
6. Maubawk	-	50
7. Mission Vengthlang	-	50
8. CKTP Committee	-	6
9. Chanmari Branch	-	(Theitui buaipuitute)
TOTAL	-	298

March 14, 2015 (Inrinni)

1. Kulikawn	-	86
2. Chanmari West	-	33
3. Ramhlun Vengthar	-	32
4. Dawrpui Vengthar	-	85
5. Tlangnuam	-	35
6. Zonuam	-	42
7. Hlimen	-	75
8. Chawnpui	-	87
9. Hunthar	-	43
10. CKTP Committee	-	11
11. Bungkawn Vengthar Br.	-	36 (Theitui buaipuitute)
TOTAL	-	565

- ♦ Vawiin (March 19, 2015) hian Sihphir Branch KTP Diamond Jubilee lawmnaah Leader Rev. J. Lalremsiama a kal.
- ♦ Naktuk (March 20, 2015) 1:00 pm hian CKTP committee chu Synod committee room no. 1-ah an thukhawm ang a, Rorel Inkhawm thurel bawhzui ngaite an ngaihtuah ang.
- ♦ KTP Rerel Inkhawm 2015 thlak (soft copy) Pastor Bial hrang hrangte ta tur CKTP Office atangin a ngaihtu theih e.

☐ **Kohhran Hmeichhia**

March 24 - 1 April, 2015 hian Presbyterian Women Joint Committee (PWJC) Inkhawmpui, Khompat Calvin, Tahan, Myanmar-a neih turah Central Kohhran Hmeichhe hruaitu, Pi H. Lalpianthangi, General Secretary; Pi Sailuti, Asst. Secretary; Pi C. Lalhmangaihi, Ex-Chairman leh Ni. Zoremawii (Soloist) te an kal ang. Inkhawmpuia hian Pi H. Lalpianthangi Bible Study 'Petera Leikhathawn 1' a neihpui ang a, Inrinni zan atanga Pathianni zan thlengin Pi Sailuti leh Pi C. Lalhmangaihi ten 'Krista thuhretu' (Tirkhohte 1:8) tih thupui hmangin Pathian thuchah an sawi baw ang.

☐ **Synod Mission Board**

- ♦ **Jharkhand Field-ah harsatna tawk** : Balia, Jharkhand khuaah bawng natna hri a leng a, ringlo ho ten Kristiante hnenah, "Bawng sa in ei vang a ni a, bawng damlo chiuna tur leh ran thawina turte in pe tur a ni," tia vau-in ringtute inah inthawina tur pawisa an dil kual a. Ringtuten an pek duh loh avangin March 18, 2015 khan khawthlang rorelna an ko ta a. Thawktute leh Zoram Kohhrante tawngtaipua azarah 'ringtute chuan eng mah an pek a ngai lo ve' tiin an inrem a. Inremna thingpuita an in a, tlai dar 3 velah an tin a. Mahse khua a tlai tulh tulh a; "Ringtu thenkhatte hnenah an Pradhan (VCP)-in, 'ringtute chuan tuna Sawrkar ram awl, mipuiin leilet an siam thin hi an nei thei lo vang,' a ti," tih thawm a awm leh a. An inko khawm tha leh a, Kristiante an lo thinrim ve tawh bawk nen thu tha eng mah sawi theih a ni ta lo va, an haw darh ta rih a. Inremna tha zawk a awm theih nan tawngtaipui an ngai hle. Balia-ah hian ringtu In 30 vel awmin, ringlo In 10 vel an awm a, chumi zinga In 4 pawh chu Baptisma chang mai tura buatsaih mek an ni. Mizo missionary leh Kraws sipai hmeichhia ve ve an thawk a ni. An VCP (pradhan) hi ringlo a la ni thung.
- ♦ **Ringthar** : January & February, 2015 chung hian Synod Mission Board hnuai Field hrang hrang hriat theih chinah ringthar, baptisma chang mi 1081 zet Pathianin min pe tawh a ni.

☐ **Music**

- ♦ March 21, 2015 (Inrinni) hian nilengin Lunglei East leh Lunglei West Presbytery huam chhuanga Pastor Bial 14 huapin Lunglei Venglai Kohhranah Lengkhawm Zai Seminar neih a ni dawn a, hemi neihpui tur hian Upa F. Lalremthanga, Music Coordinator; Pu Lalromawia, Senior Music Instructor; Upa R.L. Thianga, Music Committee Member leh Upa Sanglianthanga, Music Committee Member te an kal ang.
- ♦ March 25 & 26, 2015 hian Farkawn Bial huapin Farkawn Kohhranah Solfa Training neih a ni dawn a, hemi neihpui tur hian Pu Lalromawia, Senior Music Instructor a kal ang.

☐ **Hruaina Eng FM Radio & TV Programme**

- ♦ **MARCH 20, 2015 (FM ZOAWI AIZAWL @ 7:30 P.M.)**
Solo : Laldusaki - Amah chu malsawmna hnar a ni, **Zaipawl** : Leitan Pavalai Zaipawl - Hlimna Zion, **Thuchah** : Rev. Vanlalzuata - Khawvel mamawh, **Solo** : H.Laltanpuia - Min vengtu chu Lalpa a ni, **Zaipawl** : Venghnuai Pastor Bial Zaipawl - Aw Kraws, Kei mi chawisang tu, **Instrumental** : Piano Solo - Lal Isua kan thian tha berin
- ♦ **MARCH 20, 2015 (FM LUNGLEI @ 7:30 P.M.)**
Solo : Laldusaki - Amah chu malsawmna hnar a ni, **Zaipawl** : Leitan Pavalai Zaipawl - Hlimna Zion, **Thuchah** : Rev. Vanlalzuata - Khawvel mamawh, **Solo** : H.Laltanpuia - Min vengtu chu Lalpa a ni, **Zaipawl** : Venghnuai Pastor Bial Zaipawl - Aw Kraws, Kei mi chawisang tu, **Instrumental** : Piano Solo - Lal Isua kan thian tha berin
- ♦ **MARCH 22, 2015 (Tv Programme) @ 3:00 p.m.)**
Playback : Kohhran Hmeichhe Inkhawmpui Lian 2015

☐ **Susamachar Prasaran Programme**

- ♦ **MARCH 22, 2015 (Pathianni) 5:00 pm. Hindi Gospel Programme (Susamachar Prasaran)** :
Group/Choir/Solo : Kristian Centre - Tu Pyar Ka Sagar, **Group/Choir/Solo** : Chanmari Masihi Sangati - Jisu Tomai, **Sermon** : Rev. P.S. Daniel - Babostha ebong dharmikts, **Group/Choir/Solo** : Champhai Vengthlang Pastor Bial - Hamara Kal, **Group/Choir/Solo** : Venghnuai Kohhran - Aw Akash

☐ **Moderator Programme**

Rev.Lalrinmawia Synod Moderator chuan March 19 - 22, 2015 chung hian Evangelical Church of Maraland (ECM) Assembly hmanpui turin Saiha-ah a kal ang a, March 24 - 26, 2015 chung hian Barak Area Committee, Silchar-a tel turin a kal baw ang.